

VII certame de micro-escenas metro cadrado



>BASES

1º FINALIDADE

A Asociación Cultural Telón e Aparte, organizadora do FIOT convoca o *VII Certame de Micro-Escenas M²*. Con esta convocatoria preténdese apoiar a creación escénica de novos formatos e a compañías e creadores emerxentes ofrecendo un contexto privilexiado para a presentación e estrea de espectáculos, así como captar novos públicos e implicar aos espectadores e á ciudadanía en proxectos escénicos.

O Certame de *Micro-Escenas M²* é un concurso de proxectos escénicos de pequeno formato concibidos para poñer en escena en espazos non teatrais nos que o público se situará a curta distancia dos intérpretes.

Nesta VII edición do Certame realizaremos unha convocatoria especial para seleccionar, cando menos unha proposta na que se desenvolva ou teña un peso moi claro os medios online ou virtuais.

2º DESTINATARIOS

Poderán optar ao Certame todas as persoas físicas, grupos ou compañías teatrais que creen un espectáculo que cumpla as características que se establecen nestas bases.

3º CARACTERÍSTICAS DA OBRA E FORMATO

Os participantes deberán presentar unha proposta dramatúrxica cunha duración de **entre 10 e 20 minutos** creada para representala en espazos non teatrais de Carballo determinados pola organización e que busque a proximidade entre intérpretes e espectadores.

As propostas poderán ser tanto pezas orixinais como pezas xa estreadas, áinda que se terá en conta a **nova creación e, especialmente, a adecuación e a interacción cos espazos** ofertados e a autoría propia.

As propostas textuais deberán estar en lingua galega.

As pezas poderán estar destinadas a público de calquera idade e estará **dirixida a un número de entre 1 e 25 espectadores**. Nos espazos ofertados especificáñase as súas dimensións aproximadas, para que os participantes determinen o número de espectadores máximo que consideren.

ESPAZOS OFERTADOS:

- Pista de skate (aprox. 16m x 9m)
- Balcón do Concello de Carballo para ver desde a rúa (3m x 1m)
- Parque-ximnasio para maiores (aprox. 10m x 10m)
- Tenda-Fábrica de chocolate artesanal (aprox. 6m x 8m)
- Taller de Olería (aprox. 4m x 4,5m)
- Espazo cultural (aprox. 8m x 7m)
- Fonte da Cristina (aprox. 5m x 5m)
- Tenda especializada de produtos gourmet e venta de viños (aprox. 4m x 7m)
- Probadores tenda de moda (aprox. 5m x 2m)
- Habitación dunha pensión (aprox. 5m x 5m)
- Sala común Balneario (aprox. 6m x 8m)

De precisar máis información sobre os espazos ofertados poden realizar as súas consultas no enderezo electrónico fiot.microteatro@gmail.com ou no facebook do festival.

Os participantes deberán xustificar o motivo da elección do espazo sendo este un criterio fundamental para a selección das pezas.

De existir algún imprevisto coa utilización dos espazos a organización buscará outro que se adegúe as súas necesidades.

4º DESENVOLVEMENTO DO CERTAME

A convocatoria desenvolverase en tres fases:

- 1.-Recepción das propostas - prazo de inscrición: **do 1 de maio ao 15 de xuño**.
- 2.-Selección das propostas por parte do xurado e comunicación aos seleccionados: Un xurado profesional valorará as obras recibidas e as seleccionadas daranse a coñecer antes do 10 de agosto.
- 3.-Exhibición: As representacións das pezas seleccionadas realizaranse entre o **7 ao 29 de outubro**, preferiblemente en sábado. En función da evolución da situación sanitaria, se as autoridades así o aconsellan a organización determinará se é preciso introducir algún cambio no desenvolvemento do proxecto para manter as condicións de seguridade que se puideran establecer

Cada compañía ou grupo representará un mínimo de catro veces a súa peza, podéndose consensuar un número superior ou inferior dependendo da duración ou características desta. Todas as representacións terán lugar o mesmo día.

A organización do Certame concretará a data e o número de pases co responsable da peza seleccionada e coordinará con este as necesidades técnicas de son e iluminación.

>BASES

VII certame de micro-escenas metro cadrado



Os participantes poderán adecuar o espazo segundo as necesidades da peza previo acordo coa organización e os propietarios deste.

5º SELECCIÓN DAS PROPOSTAS E COMPENSACIÓN AOS SELECCIONADOS

O xurado seleccionará de 4 a 6 propostas dramatúrxicas. O xurado poderá seleccionar pezas suplentes por se algunha das gañadoras non puidese realizar a representación.

As propostas seleccionadas deberán ser representadas no marco do FIOT, tras a actuación percibirán unha compensación económica de 450 € retención e impostos incluídos, deberá presentarse factura ou recibí como actividade profesional, cuxa retención irá a nome do representante do grupo ou compañía ou dos seus membros.

A representación das propostas é condición imprescindible para a percepción do premio.

Premio do público

Ademais, todas as obras exhibidas serán valoradas polo público asistente mediante votacións e optarán a un dos seguintes premios:

- > 150 € Premio do público ao Mellor Espectáculo.
- > 150 € Premio do público á Mellor Interpretación

Ás compensacións polas representacións facturaránse coa aplicación dos impostos ou retencións fiscais correspondentes.

6º PRAZO, LUGAR E PROCEDEMENTO PARA A PRESENTACIÓN DE PROXECTOS

A inscrición realizarase enviando a solicitude ao enderezo electrónico fiot.microteatro@gmail.com do 1 de maio ao 15 de xuño.

Xunto coa solicitude de participación do Certame achegarase a copia do DNI da persoa responsable do grupo ou compañía e o material complementario que considere (dossier, texto, fotografías, vídeos,...).

Poderán inscribirse todas aquellas persoas físicas, grupos ou compañías onde todos os seus membros sexan maiores de idade.

No caso de grupos non constituídos xuridicamente deberán presentar unha relación asinada por todos os membros do grupo (segundo o modelo indicado pola organización) e nomear a un representante.

7º O XURADO

O xurado estará composto por diferentes persoas relacionadas coas artes escénicas.

O xurado e a organización poderán declarar deserto algún premio e terán a competencia de resolver calquera circunstancia non prevista nas presentes bases con absoluta autoridade.

8º DEREITOS DE AUTORÍA E IMAXE

Todos os textos empregados deben cumplir coa regulación establecida cos dereitos de autor. No caso de non facelo, a organización non se fará cargo. No caso de que corresponda aboar dereitos de autor a organización non se fará cargo, e será responsabilidade da compañía a súa liquidación.

A participación presupón que os autores son os titulares dos dereitos de propiedade intelectual sobre a obra presentada por eles a este concurso e que non cederon os dereitos sobre ela a terceiros e ostentan en exclusividade os dereitos de autoría, polo que queda eximida a organización do Certame de calquera conflicto de publicación ou utilización das obras presentadas e dos que puidera derivarse.

Os autores ceden á organización do Certame os dereitos de comunicación pública de forma indefinida. Neste sentido, os autores renuncian a favor da Asociación Cultural Telón e Aparte a calquera tipo de remuneración polos seus dereitos de autoría.

A difusión e /ou reproducción da obra no marco do concurso non poderá lesionar a terceiros assumindo persoalmente o autor calquera responsabilidade que puidera derivarse.

A organización resérvase o dereito de tomar imaxes das pezas para empregar en redes sociais ou prensa.

9º ACEPTACIÓN DAS CONDICIONES

A inscrición ao *Certame de Micro-Escenas M²* implica a aceptación destas bases.

A organización estará facultada para dirimir calquera eventualidade non prevista nelas e terá así mesmo, capacidade de interpretación a cantos efectos procedan.

De acordo co establecido pola normativa vixente en materia en materia de protección de datos, informámoslle de que o Responsable de Tratamentos dos seus datos persoais é a AC Telón e Aparte, con enderezo en Rúa do Pan s/n, 15100–Carballo (A Coruña); lopd@fiot.gal. Os datos serán utilizados para prestarlle o servizo solicitado e a xestión administrativa derivada da prestación do servizo. Os datos non se cederán a terceiros, salvo por obriga legal. Ten vostede dereito a acceder, rectificar ou suprimir os datos erróneos, solicitar a limitación do tratamento dos seus datos así como oponerse ou retirar o consentimento en calquera momento e solicitar a portabilidade dos mesmos en calquera momento. Para elo a AC Telón e Aparte dispón de formularios específicos para facilitarlle o exercicio dos seus dereitos. Pode presentar a súa propia solicitude ou solicitar os nosos formularios, sempre acompañados dunha copia do seu DNI para acreditar va súa identidade. Pode consultar a información adicional e detallada sobre Protección de Datos solicitándoa por correo electrónico: lopd@fiot.gal.